

ԹԵՄԱԿԱՆ ԿՅԱՆՔ

ՇԻՐԱԿԻ ԹԵՄՈՒՄ

Սույն թվականի օգոստոսի 7-ին Լենինական քաղաքի Ս. Աստվածածին եկեղեցում սուրբ պատարագ մատուցեց Արարատյան հայրապետական թեմի առաջնորդական փոխանորդ Ս. Գարեգին եպիսկոպոս Ներսիսյանը: Պատարագի հոգեպարար երգեցողությունը կատարում էր Երևանի Ս. Հովհաննես եկեղեցու երգեցիկ խումբը՝ Հարություն Թոփիկյանի ղեկավարությամբ:

«Հայր մեր»-ից առաջ Շիրակի թեմի առաջնորդ Ս. Նարեկ եպիսկոպոս Ծաքարյանը Շիրակի հավատացելոց համայնքին ներկայացրեց Արարատյան թեմի առաջնորդական փոխանորդին, որից հետո Ս. Գարեգին սրբազանը քարոզ խոսեց՝ «Եւ որ ոչ առնու զխաւ իւր և գայ զկնի իմ՝ չէ ինձ արժանի» (Մատթեոս Ժ 38) բնաբանով:

Այս առթիվ սրբազան հորը ողբեկցում էր Ս. Բարսեղ քահանա Ղազարյանը:

ԱՐԱՐԱՏՅԱՆ ՀԱՅՐԱՊԵՏԱԿԱՆ ԹԵՄՈՒՄ

Սեպտեմբերի 11-ին, կիրակի օրը, Մարտունի քաղաքի Ս. Աստվածածին եկեղեցին և շրջափակը վաղ առավոտից յեփ-յեցուն էր հավատացյալներով և ուխտավորներով: Ս. Բարսեղ քահանա Ղազարյանի և Ս. Նորայր քահանա Բաղդասարյանի ուղեկցությամբ Մարտունի էր ժամանել Արարատյան հայրապետական թեմի առաջնորդական փոխանորդ Ս. Գարեգին եպիսկոպոս Ներսիսյանը՝ նախագահելու եկեղեցու բացման սրբազան արարողությանը:

Ժամը 11-ին սկսվեց սուրբ և անմահ պատարագը: Օրվա պատարագիչն էր Ս. Գարեգին եպիսկոպոսը: Պատարագի երգեցողությունը կատարում էր Երևանի Ս. Զորավոր եկեղեցու քառաձայն երգեցիկ խումբը:

Երկար տարիներ տաճարում տիրող լռությունից հետո կրկին նրա կամարների տակ լսվեցին հայոց անմահ պատարագի երաժշտության հնչյունները, և հոգեբուխ աղոթքներ վերառաքվեցին առ Աստված:

Հավատացյալների բազմությունը հա-

վատքով և ելլելուծությամբ էր հետևում սրբազան արարողության ընթացքին:

«Հայր մեր»-ից առաջ պատարագիչ սրբազան հայրը ծանուցեց հավատացյալներին, որ, հուրախություն հոգևորականաց և հայ հավատացելոց, բացվել է Մարտունի քաղաքի Ս. Աստվածածին եկեղեցին, շնորհավորեց նրանց այս առիթով, ապա ոգեշունչ քարոզ խոսեց՝ «Ողորմեա զեկեղեցի շինողաց՝ երախտաւորաց՝ պտղատուից՝ սպասաւորաց. և այնցիկ՝ որք ընդ հովանեաւ սրբոյ տաճարիս են հանգուցեալ» բնաբանով: Առաջնորդ սրբազանը իր քարոզում հավատացյալներին բացատրեց քրիստոնեությունը Հայաստանում որպէս պետական կրոն հռչակվելու կարևորությունը՝ վեր հանելով այն նշանակալից և կարևոր դերը, որ ունեցել է Հայ Եկեղեցին հայ ժողովրդի տառապալից անցյալում և առավելապէս մեր ազգային զարթոնքի օրերին:

Հավարտ սուրբ պատարագի կատարվեց հոգեհանգստյան պաշտոն՝ «վասն եկեղեցի շինողաց և երախտաւորաց...»:

* *

Սեպտեմբերի 17-ին, Մեղրիի Ս. Աստվածածին եկեղեցու բացման կապակցությամբ, Մեղրի մեկնեց Արարատյան հայրապետական թեմի առաջնորդական փոխանորդ Ս. Գարեգին եպիսկոպոս Ներսիսյանը։ Այս առթիվ սրբազան հորը դարձյալ ուղեկցում էին Ս. Բարսեղ քահանա Ղազարյանը և Ս. Նորայր քահանա Բաղդասարյանը, ինչպես նաև Մեղրիի Ս. Աստվածածին եկեղեցում ծառայության կոչված Ս. Վրթանես աբեղա Աբրահամյանը և ուխտավորաբար Հայաստանում գտնվող, Մայր Աթոռի բարերար, լոնդոնաբնակ պրն. Զորջ Զյուրքեյանը։

Ուղևորության մասնակիցները Երևանից Մեղրի ընկած ճանապարհահատվածում այցելեցին պատմական մի շարք հուշարձաններ, եղան Եղեգնաձորի շրջանի Նորավանքում, Գնդեվանքում, Սիսիանի Ս. Հովհաննես եկեղեցում, Ծաքիի ջրվեժում, Տաթևում։

Սեպտեմբերի 18-ին, կիրակի օրը, Մեղրիի նորաբաց եկեղեցին լեցուն էր հավատացյալներով։ Բացման արարողությանը ներկա գտնվելու էին եկել Մեղրիի հայ հավատացյալների համայնքը, ինչպես նաև բազմաթիվ ուխտավորներ քաղաքամայր Երևանից և Հայաստանի զանազան շրջաններից։

Ժամը 11-ին սկսվում է սուրբ և անմահ պատարագը։ Պատարագիչ սրբազանը, զգեստավորված, հանդիսավորությամբ դուրս է գալիս ավանդատնից՝ շրջապատված քահանա հայրերով, սարկավագներով և դպիրներով։ Քաղցրաձայն հնչում է «Խորհուրդ խորհնը», որի հոգեպարար երգեցողությունը կատարում է Երևանի Ս. Սարգիս եկեղեցու քառաձայն երգչախումբը։

Ներկաները սևեռում հայացքով, երկյուղածությամբ և ակնածանքով հետևում են սրբազան արարողությանը։

«Հայր մեր»-ից առաջ Ս. Գարեգին եպիսկոպոսը քարոզում է «Եկալք շինեսցուք սուրբ գխորանն լուսոյ, քանզի ի սմա ծագեաց մեզ լոյս ի Հայաստան աշխարհի» (շարական) բնաբանով։ Սրբազանը, ներկայացնելով ժողովրդին քրիստոնեությունը Հայաստանում պետական կրոն հռչակվելու համատեղ պատմությունը, նշում է, որ վաղ ժամանակներից սկսյալ հայ շինարար ժողովուրդը եկեղեցի է կառուցել իր քաղաքում, իր գյուղում, իր ավանում և որ Հայ եկեղեցին իր մեջ խտացրել է մեր ժողովրդի դառն պատմությունը, բնավորությունը, իղձերն ու երազները։


Իր խոսքի մեջ սրբազանը նշում է, որ մեր ժողովրդի թշնամիները մեզ ոչնչացնելու, ձուլելու համար երկու ուղի են տեսել՝ հավատքը և լեզուն։ Ահա թե ինչու հայ ժողովուրդը միշտ կառչած է մնացել այս երկու անպարտելի գեղքերին՝ նրանց պաշտպանության համար չխնայելով իր երկրի լավագույն զավակներին։ Եվ ահա այս գիտակցությամբ է, որ մեր հոգիները այս պահին լցված են առավել խիճողով և ոգևորությամբ, երբ կանգնած ենք ևս մեկ եկեղեցու բացման պատմական փաստի առաջ, որը, իհարկե, հնարավոր եղավ Վեհափառ Հայրապետի ջանքերի և հայրենի կառավարության բարյացակամ վերաբերմունքի շնորհիվ։

Հավարտ սուրբ պատարագի կատարվում է հոգեհանգստյան պաշտոն՝ «վասն եկեղեցի շինողաց...»։

Պատարագից հետո տեղի պետական իշխանության կողմից տրվում է պաշտոնական ճաշկերույթ։

ՆՈՐԱՅՐ ՔԱՀԱՆԱ ԲԱՂԴԱՍԱՐՅԱՆ





ՄՈՍԿՎԱՅԻ ՀԱՅՈՑ Ս. ՀԱՐՈՒԹՅՈՒՆ ԵԿԵՂԵՑՈՒՄ

Սույն թվականի սեպտեմբերի 25-ին, կիրակի օրը, վաղ առավոտից Մոսկվայի հայոց Ս. Հարություն եկեղեցին և շրջափակը լեփ-լեցուն էր հավատացյալների բազմությամբ:

Առավոտյան Նոր Նախիջևանի և Ռուսաստանի հայոց թեմի առաջնորդական տեղապահ Ս. Տիրան վարդապետ Կյուրեղյանը ս. պատարագ մատուցեց, որից հետո կատարվեց անդաստան Ս. Հարություն եկեղեցու բակում:

Ս. պատարագին և եկեղեցական այլ արարողություններին ներկա էին Ս. Սիոն արքեպիսկոպոս Ադամյանը (Բուլղարիա) և Ս. Մասիս քահանա Գալստյանը (Հայաստան):

Վերջում կատարվեցին բազմաթիվ մկրտություններ, որոնցից 105 հոգի համատեղ՝ կնքահայրությամբ մշեցի Վազգեն Թով-

մասյանի: Մկրտվողներից միայն երեքն էին անչափահաս:


Բազմաքանակ այս մկրտության ընթացքում Ս. Տիրան վարդապետ Կյուրեղյանը խաչիկներ բաժանեց մկրտվողներին, խաչիկներ, որոնք նվեր էին ստացվել Ս. Էջմիածնից, անձամբ Վեհափառ Հայրապետի կողմից:

Մկրտվողների զգալի մեծամասնությունը դարաքաղցիներ էին, որոնք ինչ-ինչ հանգամանքներից ելնելով բնակվում են Մոսկվայում:

Սեպտեմբերի 25-ը անջնջելի և անմոռանալի հիշողություն մնաց Ս. Հարություն եկեղեցում ներկա եղած հայ հավատացյալների համար:

ԹՂԹԱԿԻՑ





ԻՐԱՔԻ ՀԱՅՈՑ ԹԵՄՈՒՄ

ՍԱՐԿԱՎԱԳԱԿԱՆ ՁԵՌՆԱԴՐՈՒԹՅՈՒՆ
ԲԱՂԴԱԴՈՒՄ

Բարեշնորհ Սարգիս սարկավագ
Հովհաննեսյան

1988 թվականի հոգիսի 10, կիրակի.—
Վարդավառ: Պայծառակերպություն Տեառն
մերոյ Յիսուսի Քրիստոսի:

Այսօր Բաղդադի հայոց Ս. Գրիգոր Լուսավորիչ եկեղեցում, ձեռամբ թեմակալ առաջնորդ գերաշնորհ Տ. Ավագ եպիսկոպոս Ասատուրյանի, սարկավագական կոչում ստացավ կիսասարկավագ Սարգիս Հովհաննեսյանը:

«Աստուածային և երկնաւոր շնորհս...» շարականի հուզիչ կատարումից հետո, նորընծա սարկավագը, ծնրադիր և ձեռքերը վեր բարձրացրած, հրաժարվեց աշխարհիկ կյանքից:

Ձեռնադրիչ սրբազանը իր քարոզում, խոսելով մեր Տիրոջ՝ Հիսուս Քրիստոսի պայծառակերպության խորհրդի մասին, հաստատեց նաև, թե՛ «մարդ արարածն ալ կոչված է պայծառակերպվելու Քրիստոսին նմանելու իր գիտակցական արարքով: Այսօր, երբ Սարգիս սարկավագը ուխտեց իր անձը մվիրաբերել մեր ազգային Եկեղեցվո ծառայության ի խնդիր, վստահաբար իր հոգին պայծառակերպվեցավ մեր Տիրոջ, Հայաստանյայց Առաքելական Եկեղեցվո և ազգի սպասավորության վեհ ըմբռնմամբ:»

Ս. պատարագին և ձեռնադրության արարողությանը ներկա էին նորընծայի ծնողները, ազգականները և հավատացյալների հոծ բազմություն:

Ս. պատարագից հետո նորընծա բարեշնորհ սարկավագը հավատացյալներից բազմաթիվ շնորհավորություններ ընդունեց եկեղեցում:

Ծնվել է 1963 թվականին Բաղդադում: Ավարտել է Բաղդադի ազգային համալսարանի երկրաչափական ֆակուլտետը՝ ստանալով «պսակավոր գիտությանց» աստիճան էլեկտրագիտության գծով:

Այժմ Սարգիս սարկավագը ուսումը շարունակում է Նյու Յորքի Ս. Ներսես աստվածաբանական ճեմարանում, որտեղ երկու տարուց ի վեր աշակերտում է Ս. Վրդիմիր աստվածաբանական համալսարանում:

Օժտված լինելով երաժշտական ընդունակությամբ՝ մանուկ հասակից կապված է եղել տեղի հայոց եկեղեցուն:

ԳՈՀԱԲԱՆԱԿԱՆ ԱՂՈԹՔ ԲԱՂԴԱԴԻ
ՀԱՅՈՑ ԵԿԵՂԵՑՈՒՄ

Սույն թվականի օգոստոսի 20-ին, շաբաթ օրը, Բաղդադի հայոց Ս. Գրիգոր Լուսավորիչ առաջնորդանիստ եկեղեցում, նախագահությամբ Իրաքի հայոց թեմի առաջնորդ գերաշնորհ Տ. Ավագ եպիսկոպոս Ասատուրյանի, կատարվեց գոհաբանական աղոթք՝ իրաքա-իրանյան ութամյա պատերազմի ավարտի և երկրում կրկին խաղաղ իրավիճակ խտեղծվելու կապակցությամբ: Հոգեպարար այս արարողությանը ներկա էր հավատացյալների հոծ բազմություն:

Բոլոր ներկաները միաբերան՝ երգեցին «Նայեաց սիրով», «Ի Զէն հայցեմք» և այլ շարականներ:

Այնուհետև կատարվեց հոգեհանգստյան պաշտոն իրաքա-իրանյան պատերազմում զոհված 104 հայորդիների հիշատակին, ո-



1888 թ. ՍԵՊՏԵՄԲԵՐԻՑ ՍԿԱՆԵՑ ԳՈՐԾԵՆՔ ԼԵՆԻՆԳՐԱԴԻ ՀԱՅՈՑ Ս. ՀԱՐՈՒԹՅՈՒՆ ԵԿԵՂԵՑԻՆ

րոնք իրենց երիտասարդ կյանքը նվիրաբերեցին իրաքյան հայրենիքին՝ նրա քարոքության և խաղաղության ի խնդիր:

Հավարտ հոգեհանգստյան արարողության առաջնորդ սրբազան հայրը քարոզ խոսեց՝ «Աղաչեա վասն մեր զառ ի քէն Սրբոյնի... Զի լոնցին պատերազմունք, դստարեցին յարձակմունք թշնամեաց. տնկեցի սէր և արդարութիւն ի յերկրի» (Ժամագիրք) բնաբանով: Քարոզիչ սրբազանը իր խոսքի մեջ հատկապէս ասաց.

«Հաստատելով, թե տակաւին Աստվածածնա նվիրւած տոնակատարությանց շրջանին մեջ կգտնվինք, ահաւասիկ ութ տարիներու մեր թախանձալիր պաղատանքներուն ունկնդրելով՝ Աստվածամայրը բարեխոսեց վասն մեր, և այսօր մենք կապրինք խաղաղության այն երանելի պահը, երբ այլևս մեր աշխատանքները պիտի ուղղվին դէպի շինարարութիւն մեր

նստատը բերելու Իրաքյան հայրենիքին:

Իրաքսահայ մեր ժողովուրդը անցնող ութ տարիները դիմագրաւեց պատերազմի արհաւիրքներուն մեջ՝ միաժամանակ իր նրպաստը բերելով Իրաքի վերաշինության գործին: Գեղեցկացուցինք մեր առաջնորդանիստ եկեղեցին, այժմ կառուցման մեջ է նոր գերեզմանատան մեջ Սրբոց Նահատակաց եկեղեցին, ու տակաւին այլ ծրագիրներ կմշակվին՝ շրջանները օժտելու նոր եկեղեցիներով և հասութաբեր շէնքերով, որպէսզի առաջնորդսրանը և շրջանները ինքնաբաւ ըլլան և եկամուտները գործածվին եկեղեցական և ազգային բարենպաստակ գործերու օգտին»:

Արարողության ավարտին առաջնորդ սրբազան հայրը Սուրբ Աեղանից խաղաղության ողջույն բաշխեց ժողովրդին:

ԹՂԹԱԿԻՑ

